

人難曉貌視公與卿大道不難學只恐無虔誠勤行不可棄抱
守不可輕解通玄又玄眾妙入門庭不惟龍虎伏自有鬼神驚
同志日相訪柴扉永不扃靈芝常飽腹豈比羶與腥我因何所
得能固氣神精期歸蓬島路鸞鶴相來迎玉女奏仙樂殊無鄭
衛聲靈臺爲靜國雲收性月明超然成羽化豈與萬物并奉勸
學道人不可外經營百年如一夢休戀利與名心香常爇起何
必念仙經但存平等行清淨自然成願人同我志何患不長生

和防州朝虛子曹瑱韻

大慟悲紅葉大喜頭陀大志脫生死大願拯沈疴翻身離苦
海遠俗免奔波有分修靈室無緣過奈何清中清媿舞淨裏淨

道藏輯要

洞玄金玉集

卷

胃集六

嬰歌逗引神丹秀隄防猿馬魔

五言律詩

自述

心清眠夢少意淨瑞祥多靈灑如紅錦丹煙似紫羅虎龍生羽
翼猿馬罷奔波嬰媿成眞樂胎仙應物和

和黃縣呼殿試韻

東有古精藍西城近道菴南山高翠嶺北海大深潭霞友玄中
問雲朋妙處參人能清表裏默默自然談

又

黃結衣採藍身居物外菴道包天地髓氣運虎龍潭常有農商